

AVP ta muestra un biaha mas con MEP ta gaña

Inversionnan den enseñansa a sobrepasa 150 miyon den 7 aña di gobernacion

ORANJESTAD (AAN): E partido MEP tin dos aña den gobierno y ainda tur dia ta purba tira culpa riba gobierno anterior y specialmente e partido AVP pa tur cos cu no ta bay bon. Den nan afan pa tapa nan fayonan ta sigui troce berdad y purba desacredita e trabao di siete aña di gobiernonan anterior. Asina tambe e fraccion di MEP a laga sa cu partido AVP no a haci nada pa enseñansa den e siete añanan cu nan tabata den gobierno.

Pa e motibo aki AVP a laga Rene Herdè, un di e specialistanan di enseñansa di e partido, corigí e mentira aki. Den e conferencia di prensa semanal di AVP sr. Herdè a ilustra e inversionnan cu a haci den e añanan cu AVP tabata den gobierno. Pero a lamenta cu e discusion den politica y den parlamento riba enseñansa ta limita su mes na broma cu proyectonan of ataca proyectonan, en bes di dialoga riba con pa mehora e calidad di enseñansa. Proyectonan mester ta resultado di un dialogo y un maneho mas amplio y no e topico limita di discusion y maneho.

INVERSIONNAN DEN ENSEÑANZA: Djis pa corigí e impresion robes cu MEP a purba crea, esta cu den shete aña di gobernacion cu AVP no lo a inverti nada den enseñansa, sr. Herdè a bay un tiki mas atras y a ilustra e importancia di un maneho di enseñansa constructivo dirigi riba elimina problemanan

den comunidad y den enseñansa. Asina sr. Rene Herdè a muestra cu e 'fianza pa estudio' pa nos hobennan por studia den exterior cu a worde introduci na 1986 (gabinete Eman I) a haci cu den e 18 aña despues di Status Aparte mas hoben Arubiano a bay studia afo cu den e 50 aña prome cu esei! Segun sr. Herdè ta e tipo di politica di enseñansa constructivo aki cu nos mester ta papia di dje den politica. Mescos cu e politica di habri oportunidadnan pa estudionan superior na Aruba cu re-apertura di IPA y creacion di Universidad di Aruba.

Pa sigui corigí e mal informacion di MEP sr. Herdè a sigui muestra riba djis algun di e inversionnan haci den e periodo 1995-1997. Entre otro e renobacion di e edificio caminda IPA ta awor aki y cu mientras tanto ya ta mucho chikito pa e instituto aki. Tambe e construccion y reconstruccion di schoolnan pa e actual EPB y tur e facilidad-

nan den e schoolnan aki. E construccion di e Centro Deportivo Playa despues cu Colegio Arubano a keda cinco aña sin sala di deporte. Pero mas importante cu tur tabata e desision pa cuminsa cu e renobacion di enseñansa basico y enseñansa secundario general y e inversionnan cu esakinan a rekeri. Den e periodo di 1997 pa 2001 a sigui mas inversion importante. Y pa ilustra esaki sr. Herdè a muestra riba djis un lista di e inversionnan di e aña 2000. E lista aki cu a worde reparti den e aña ei ta muestra riba renobacion y construccion di schoolnan na balor di mas o menos 25 miyon Florin, cu e tempo ei a sali completamente di caha di gobierno. Pasobra e tempo ei Fondo di Desaroyo no tabata den funcion ainda. Banda di e inversionnan aki a continua cu e inversionnan den renobacion di enseñansa y e inversionnan den renobacion di meubilario di schoolnan na

1	Scol Basico na Washington	Expansion cu 6 klas	1.099.800
2	Colegio San Jose, St. Cruz	Renovacion di dak	300.000
3	Emmaschool na Ayo	Construccion di scol nobo	7.200.000
5	Colegio EPI na Sero Blanco	Construccion di edificio C pa MAO	2.300.000
7	Pieter Boer School, SN	Renovacion	275.000
8	Complejo di educacion di arte na Col Ar	Construccion complejo nobo	2.700.000
9	Scol preparatorio catolico na Montaña	Construccion di scol nobo	1.742.900
10	Scol preparatorio catolico na Ayo	Renovacion di e dak	601.600
11	Scol basico Cacique Macuarima, St. Crz.	Expansion cu dos klas	293.700
12	Scol basico Kukwisa School na Pos Chikito	Expansion cu dos klas nobo	440.500
13	Scol preparatorio na Weg Fontein	Construccion di scol nobo y speelplaats cubri	1.518.000
14	Mon Plaisir (Mavo)	Expansion cu 1 klas pa computer	180.000
15	John Wesley College (Mavo)	Expansion cu un klas pa computer	161.950
16	Maria School, St. Cruz	Renovacion di e dak	1.300.000
17	Scol preparatorio St. Tarcisius na Brazil	Construccion di scol nobo cu sala di deporte	2.029.100
18	Filomena College (Mavo)	Renovacion	846.300
	Total		22.988.750

balor di 3.5 miyon. E lista di inversionnan haci den 2000 tabata ensera e siguiente proyectonan.


Di e forma aki sr. Herdè a muestra cu loke MEP a laga sa, djis no ta berdad. Pero mas importante pa sr. Herdè y partido AVP ta cu e forma di discuti riba enseñansa, cu djis

purba pronk cu proyectonan of ataca proyectonan, mester cambia pa un dialoga constructivo riba con pa mehora calidad di nos enseñansa den tur su aspectonan. Riba esaki partido AVP ta spera di presenta resultadonan di un estudio prome cu fin di e aña aki.



Cuida Bo oido!

PUEBLO KEDA LANTA!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL

Tel: 5827050

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

